

SCRIPT OF MORNING GOJRI NEWS BULLETIN 23OCT 1015 HRS

مارننگ گو جری نیوز بلیٹن مورخہ 23 اکتوبر 2025

یوہ آکا شوانی جموں ہے نصرت تیں خبر سنو۔

PM ROZGAR

وزیر اعظم نریندر مودی 24 اکتوبر بروز جمع نانہ روز گار میلہ گی 17 ویں ایڈیشن تیں عملی طور ور خطاب کریں گا اس تقریب گے دوران ملک بھر غا بکھ بکھ سرکاری محکمان تیں نواں بھرتی ہوا امیدوارا اپنی تقرری نامہ وصول کریں گا۔ اس سلسلہ مانہ جموں مانہ یاه تقریب ریاسی مانہ واقع شری ماتا ویشنو دیوی یونیورسٹی ککریال میٹرکا آڈی ٹوریم ہال مانہ منعقد وے گی پارلیمانی تے اقلیتی امور غا مرکزی وزیر کرن رجیجو اس موقع ور مہمان خصوصی ویں غایوہ پروگرام نوجوانان نانہ مواقع فراہم کرن بارے حکومت گی جاری روزگار غا اقدام غو حصو ہے۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 26 اکتوبر نانہ آکا شوانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 127 ویں قسط وے گی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاه فر مائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 24 تا ریخ توڑی ہی قابل قبول ویں گی۔

LA SESSION PREP

جموں کشمیر قانون ساز اسمبلی سرینگر مانہ اج تیں 9 دنان غو سرمائی اجلاس شروع کر رہی ہے اس ضمن مانہ تمام تیاری مکمل کر لی گئی ہیں تے یوہ اجلاس 23 اکتوبر تیں 31 اکتوبر تک جاری رے غو۔ اسمبلی اسپیکر عبدالرحیم راتھر غی طرفوں جاری کلینڈر غے مطابق سرمائی اجلاس غی شروعات گزشتہ اجلاس تیں حالیہ اجلاس تک جن شخصیات غی موت واقعہ ہوئی ہے اُن نانہ خراج عقیدت پیش کر غے کیو جے غو تے اجلاس غے دوران دیگر معاملات وستے 6 دن مختص رکھیا گیا ہیں اس سرمائی اجلاس مانہ مرکزی زیر انتظام جموں کشمیر علاقہ غے اندر عوامی فلاح وبہبود غا کئی معاملات تے اہم ترقیاتی کماں ورجٹ مباحثہ غی امید کی جارہی ہے۔

JITENDRA LAPTOPS

مرکزی وزیر ڈاکٹر جتندر سنگھ نے اپنی لوک سبھا حلقہ غا بہترین کارکردگی دکھاتا وں طالبات مانہ مفت لیپ ٹاپ تقسیم کیا۔ انہاں نے کہیو کہ مودی حکومت نے خواتین واسطے کئی خاص سکیم شروع کیں ہے۔ تے دیوالی غا موقع ور زبین طالبات واسطے لیپ ٹاپ ایک بہترین تحفہ ہو سکے ڈاکٹر جتندر سنگھ نے اپنا خطاب مانہ کہیو کہ پچھلا 11 براں مانہ وزیر اعظم مودی نے کڑیاں غی تعلیم نانہ فروغ دتو ہے تے اُن واسطے کئی سکیمان نانہ شروع کیو ہے انہاں نے دسیو کہ کئی ٹاپ کرن آلی طلبہ

دور دراز علاقہ جسران چھاترو تے پٹر ضلع کشتواڑ تے پوگل ضلع رام بن تیں تعلق رکھیں۔

CM STRATEGY MEET

وزیر اعلیٰ عمر عبداللہ نے بدھ نانہہ امید ظاہر کی کہ نیشنل کانفرنس راجیہ سبھا غی چاریں نشستیں ور کامیابی حاصل کرے گی مشترکہ حکمت عملی میٹنگ غا موقع ور وزیر اعلیٰ نے ذرائع ابلاغ سنگ گل بات کرتا واں کہیو کہ ہر اسمبلی اجلاس تیں پہلاں ایک لیجسلیچر پارٹی میٹنگ وے تے اج این سی تے دیگر آزاد ارکان نے مل غے حکمت عملی تیار کرن واسطے میٹنگ کی۔

GOC LOC VISIT

وائٹ نائیٹ کورک غا جنرل آفیسر کانڈنگ لیفٹیننٹ جنرل پی کے مشرانے بدھ غے روز راجوری تے پونچھ ضلع غا کرشنا گھاٹی تے نوشہرہ سیکٹراں مانہہ قبضہ لکیر ور حفاظتی صورتحال غو جائیزو لیو آکاشوانی جموں غا نمائندہ غے مطابق جی او سی غے نال ایس آف سپیڈر ڈویژن غا جی او سی میجر جنرل کاوشک مکھرجی وی موجود تھا جی او سی نے فوجیاں تیں ملاقات کی اُن غی پیشہ وارانہ کارکردگی ، حوصلہ تے لگن غی تعریف کی تے تمام جواناں نانہہ مشورو دتو کہ مکمل آپریشنل تیاری تے مضبوط عزم غے نال ملک غی سرحدان غا دفاع مانہہ مصروف ریں۔

CS NITI AAYOG

چیف سیکرٹری اٹل ڈلو نے کل نیتی آيوگ غا رُکن ڈاکٹر وی کے پال غے نال تفصیلی بات چیت کی تانجے جموں کشمیر غا نوا قائم شدہ گورنمنٹ میڈکل کالج مانہہ ٹیلی آئی سی یو سہولیات قائم کرن ور کیو جاسکے یہ میٹنگ ایک اہم قدم تھی جس مانہہ ٹیکنالوجی ور مبنی مضبوط نظام تیار کرن ور گل بات ہوئی تانجے مرکزی زیر انتظام علاقہ گا دور دراز علاقہ مانہہ صحت غی سہولیات ناہ بہتر بنایو جاسکے ڈاکٹر پال نے اس دوران زور دتو کہ ملک مانہہ چل رہا کامیاب ٹیلی آئی سی یو ماڈلز غو مطالبو کیو جے تانجے جموں کشمیر غا صحت شعبہ واسطے بہترین طریقہ اپنایو جاسکے چیف سیکرٹری نے ڈاکٹر پال گو شکریو ادا کرتا واں کہیو کہ انتظامیہ جدید صحت غی ٹیکنالوجی نانہہ عوامی صحت غا نظام مانہہ شامل کرن واسطے پُر عزم ہے۔

BHAI DOOJ

اج بھائی دوج غو تہوار منایو جارہیو ہے یوہ دیوالی تیں بعد آئے تے پنچ دناں گا تہواراں غا اختتام غی علامت ہے یہ ملک غا مختلف حصاں مانہہ الگ الگ ناماں تیں جانیو جے جیسراں کہ بھائی پھوٹا، بھاؤبیج، بھائی ٹکا یا یمدوتیا۔ یوہ تہوار بھائی بہن غے بشکار محبت، حفاظت تے دعاواں غا رشتہ غی علامت ہے۔ اس دن بہن اپنا بھائیاں نانہہ ماتھا ور ٹکے لاویں تے ان غی لمی عمر تے حفاظت غی دُعا کریں۔ جد کہ بھائی اپنی بہناں غی حفاظت غو وعدو کریں۔
